

5766-9

WYKONANO W SEKCJI OPRAW
BIBLIOTEKI JAGIELLOŃSKIEJ

kat. komp.

CIMELIA

Qu	5166
----	------

Qu	5167
----	------

Qu	5168
----	------

Qu	5169
Qu	5169a




5166-5169

CIMELIA

Calbrech.

100.



Die Gemaine/ vnd Ein-
trechtige/ auch ganz Rechtmesige Ab-
weichunge/ der LÄNDLICHEN PRINCESEN/ von denn
KÄNIGLICHEN Herren/ Wegen Irer geybeten grau-
samen Tyranneien/ Auch die Gemaine Wydder
Vntergebung/ vnd der Offentliche LÄNDLICHEN
RATH/ Welcher dem Allerdurchleuchtigsten
KÄNIGEN/ vnd Herren/ Herren CAESAR
MAXIMILIAN/ von ÖSTERREICH genaden/ KÖNIGEN
czu POLLEN/ etc. Hochlophlichster
gedechtnis gethahn worden ist. czu
THORNE/ Im Jare vnseres
Heilandes.

1 4 5 4.

Durch den Königlichlichen Preusschen
Instigatorem/ den Edlen vnd Ehrenuesten H:
Mychel Frydwalt/ vmb der Erbaren Gemainen
Burgerschaften/ Aller PRINCESEN Schtet-
ten wyllen/ Ins Deutsche transferyrer.

Czu KRAKAW/ in Königlichlicher
Im Jahre des Herren.

1 5 7 8.

Stat

Arms 5167



2

Die wydder Einleibunge der Lande Preussen/czu der Krohne P^Olen.

Im Nahmen des Herren/ **M A X I M I L I A N**.
Czu disser Sachen Ewigem gedechtnis. Weil die
G^OTlichen / vnd Menschlichen Gesetzen. Auch
die Heilsamen Constitutiones / O^RDeunungen/
vnd Decreta / Allen Lehens Vndertanen vorgyn-
nen. Sich aus dem Joch der Vndertehnteit/vnd
des Gehorsams czu czyhen. Vnd sich in die Ges-
meinschaft/ vnd Regyrunge der Rechten Herren
widderum czubegeben. Wen czumahl/der Regenz-
ten freffel/mit nachlassung der Czeumen/czu allem
Ihrem mutwillen/ohne Einige surcht/Wie es Sie
nur gelustet/geybet wirt. Vnd Sie Iren gewalt/
nich: allein/czu Allerlei vnbillichen Beschwehrun-
gen/der frommen Vndertahnen. Sonderen auch
czuorgysungen Vnschuldiges blutes / Tyranni-
cklich misbrauchen. Gleich/Op bey G^OTTE/Al-
le bylliche Rache/ Gahr entschlaffen wehre. Vnd
Gleichs inuste man also/Allen Iren freffel Schins-
ach/vnd offentlichen Gewalt / vnwidder schprechs-
lich erdulden / vnd e-tragen. Derohalben / Wyr
Prelaten/ Frey Herren/Rytter/Eddeleute Byrger
vnd Einwohner der Lande Preussen/ Kaisliches

vnd Welliches Schtandes. Thuben kunt hymit
Idermenniglich/ So wol den Nachkömenden/ als
den Regenwertigen. Nachdehm in den vrganges
nen czeiten/Unsere lyben Iber Elteren/Gros vehz
ter/ vnd Vehter/ vnd entlich/ Wyr auch selber/
gahr vylfeltige Schwehre Vnterdruckunge/
vom Preuschenn MAJESTÄT/ vnd seinem OR
DEN ertragen haben. Weil nicht allein der Ma
ister/ Sondern auch/ Alle seine Mytgebyttiger/all
erlei Grausamkayth yber vns ybende/ Dylen aus
vns/ohne yrkeinen Rechtmesigen Proces/die Kep
fe apschlagen lyssen/ Eczliche/ in die Acht rheten/
Eczlichen/ Alle Ire Gytter nahmen. Vnd/ (Wel
ches dan Schentlich czu sagen ist.) Eczlichen der
Vnseren/Ire Ehweiber/ vnd Thechtere/durch ge
waltsame nohtczogunge/czu Schanden machten/
Auch yber vnserer eczliche/ freie macht gaben/ das
man vns erschlagen/ gefangenn nehmen/ vnd vor
kauffen mocht. Vnd musten Alle die Hoffertigen/
vnd geyczigen Mytgebittiger Kreuzherren/sam
ptlichen/ vnd Sonderlichen/ fur vnserer Herren er
kennen/ vnd bekennen. So vile dehrer/im ganczen
Lande wahren. Dan Ein Jglicher derselpten/liss
sich troczig hohren/ das sie alle Semplich/ vnd
Sonderlich/der Geringeste so wol/als der Gro
ste/vollkommene gewalt/ Iber vns czu herschen/
vnd

3

vnd czugebitten hetten. Durch welche gewalt/ sie
sich aufgeblasen/ vnd Ires Ordens vorgessen ha-
ben. In welchem Sie gelobet hatten / widder die
Vnglenbigen czu schreiten. Vnd/Op sie wol/mit
dem allgeringesten gahr nicht verursacht gewe-
sen. So haben sie sich dennoch/ widder die **RO-**
MANIA czu **PO**hlen czu schreyten frefflich vnter
schanden/dnrch welcherer woltatten sie doch/czur
vortreibungen der Vngleubigen gefoddert/auch
wol versorget / vnd Erschtlich eingesezt gewesen
sint. Haben also den Buntz/ dehnen sie mit den
ROMANIA czu **PO**len. Czum erschten/mit dem
Herren **CASIMIR** /darnach mit dem Herren
VLADISLAW gemacht/czu viermalen gebrochen. vnd
sich/die Lender/des Reiches czu **PO**len/ Wo Sie
nicht durch Schlachtungen geczehmet worden we-
hren/Einczunehmen vnterschanden. Vns czwin-
gende/ das wyr mit Innen/Ire Vngerechten Kry-
ge haben fyren müssen. Op man Vns schohn/nym-
ales des Kryges grunth vormeldet hatte. So sie
doch/Solche Kryge vorgenummen / Nur andere
Granczen gewaltiglich czu besiczen/ aus lauterem
hasse/neith / vnersetlichem geitze/ vnd Ibermutte/
Vnd Sie gahr keine bylliche vsachen/darczu trey-
ben thetten. Welche vnbilliche Kryge/ Schlach-
tungen/ Beraubungen vnser lyben Elteren / vnd

Freunden/ auch vnserer Haben/ vnd Gytter gefe-
rliz-
keiten. So Wyr vylfeltig erlitten/ vnd ausgeschan-
den/ Vns desto herczlicher/ vnd seher betryben/
Wan wyr betrachten/ das wyr von Vnseren Ke-
genten geczwungen gewesen sint/ Solche vnbilliz-
che Kryge/ nicht alleine mit vorlyrungen Vnseres
leibes/ lehens/ vnd gutter czu fihren/ Sonderen
das wir auch/ vnser Sehlen darduch/ mit gefa-
ren der Ewigen vordammis/ haben beschwehren
mussen. Da doch die Maister/ mit Iren Ordens
Herren/ vnser erlittene Jemmerliche Schlachtun-
gen/ mehr aus den fensteren/ von den Schlosseren
czugesehen/ dan vns kegen die Feinde geschuczet/
odder entseczet haben. Vnd weil wir dan/ Sols-
cher vnserer grossen Beschwehrungen/ gabr keine
mass/ noch ende gesehen/ Sondern haben clerlich
vormercket/ das wyr/ Sampt vnseren Nachkom-
lingen/ nur ymmer mehr bedrenckheit/ Jamm-
er/ vnd trypsal czugewarten. Vnd das der Preussche
Maister/ mit Seinem Orden (damitte Sie den
Bunth/ dehnen Sie mit dem KÖNige/ vnd Kei-
che czu Polen gemacht/ vnd mit Irem Corporlichen
Aide beschettiget hatten/ desto frefflicher brechen
mochten) Sich dahin mit grossem fleisse bemu-
het das sie/ durch das Gemaine Concilium czu Basel
vnd des Pabsts autorithet/ dāvon mochten apsol-
uirt

4

uiret werden / vnd also einen neuen krick / dehnen
sie hoch begeherten / widderum mochten furnemen /
widder Iren Bunt / vnd voreinigung. Ja widder
Recht / vnd Billikeit. Nicht das man Innen / Ire ge-
buhrlliche gewalt Benommen. Sonderen / das Sie
vns / ohne Recht verfolgen. Vnd Ire blossen / vnd
gescherften wehren / frei durch vns schtossen / vnd
vns vnserer gutter berauben mochten. Ja Sie ha-
ben vns so gahr heftig verfolget / vnd so iber aus
feinthlich nachgetrachtet / das Sie vns auch bey
dem Pabst / fur Haiden / vnd Keczer angegeben
vnd haben vns darnach / fur den KAYSERlichen
Schuhl gezogen / das sie desto freyer / ohne mens-
nigliches wydder schtanth / Ire vnchristlichen Kry-
ge / wydder den KONIG / vnd das Reich czu Polen
auch andere Grancznoctper / vnd Sonderlich wid-
der vns / wie ohne das / ostersch geschach / vornehmē
mochten. Wiewol wyr aber / fur dem Kaiserlich-
chen Gerichte czuerscheinen / gahr nicht pflichtig /
noch schuldig waren / dan wyr achten nicht / das
wyr dem Kaiserlichen Gebytte / ymales vnterwor-
fen gewesen sint. Damitte aber / gahr nichts vns
terlassen wyrde / das vnserer gerechtikeit geczygen
werden mochte / Vnd vnser Reines fuhrhaben / das
wyr nemelich / nur fryde vnd Einigkeit / mit dem
Maister / vnd dem Orden zu erhalten gestliffen. So

sei wyr Beclagten/ fur das Kaiserlich Gerichte
gekummen. Vnd als wyr daselbest/ fast ein ganczes
Jahr lanck / mit grosser gefaren vnseres lebvens/
in Clagen/vnd Antwort gewelczet. Op wyr woll/
Eine gancz Offentliche gerechte/vnd wol gegrundete
Sache hatten. So hot man doch/im Schpru
che/ dem Maister / vnd Seinem Orden/ Solche
grosse gunst erczaiget/das vnser Bunt/ vnd voreiz
nigung/dahehr der Czwischpalt entschtanden war
durch des Kaisersch Sentencz verworffen / vnd
vornichtet wahr. Iber welches / auch noch darczu
hernachmales/auff des Maistersch/vnd des Orde
ns Begehren/wyr/ durch Einen Newen Kaiserlich
Schpruch verurteylet worden sein. Das wyr
dem Maister/ vnd dem Orden / **SEX MAZE
HUNDERT TWENTY GOLDEN** czah
len solten. Vnd das wyr vns auch/ so hoch/ gegen
den Maister/ vnd den Orden vorwyrcket hetten.
Das Sie vns/ **EWIGLICH** halten/ vnd achten
mochten/**ALS FÜR IR**/mit Gelde erkaufte/
Eigene Leute. Vormege welches Sentenczes/
Sie dan auch schohn/offentlich/vnd gancz Ersche
recklichen aufschprengeten / das Sie/ **DIR**
WADERT aus Vns / die Furhremesten enthau
pten lassen/Vns Andere aber/als Ire erkaufte/vnd
schuldige Knechte/Ires Gefallens schtraffen las

5
sen wolten. Welcher Kaiserlicher Schpruch / auf
des Maistersch/ vnd Ordens in schtendikeit/ Tres
gefallens / wydder Vns czu erschrecken erhalten/
Hot Vns/so gahr Vnbillich / Wie es dan auch in
sich ist/gedaucht/ Das auch/in solche Dyhnstbars
keit/vnd Tyranneie geschlossen czu werden / nicht
alleine Redlichen Menneren / vnd Weyberen/ Ja
auch nicht alleine CHRISTen/ Sonderen/ auch
TATERen / vnd TIRCKen/ grausam/ vnd ganz
Vnertregelich sein wyrde. Derohalben/ Als wyr/
durch so vyl/ so grosse/ vnd so gahr Schwehre/
dysser Operczelte/vnd noch vyle Andere mehr (die
wyr Erbarkeit halben vorschweigen) Plagen/
Byrden/vnd gewalt/so gahr Erschrecklich gemer
tert worden sint. Vnd sonderlich/ Weil wyr sahen
das derselpten Marter/gahr keine mass/ende/noch
aufhehren czu hoffen. Sonderen/ das sie Immer/
auf Newe weisen/ geheuffet vnd gemehret wur
den. Darum / So haben wyr vns/ von der Ibers
muttigen/ Geiczigen/ vnd Vngerechten Herschun
gen/des gemelten Maistersch/vnd seines Ordens/
durch nachgebunge der Natubrellichen/ vnd Welt
lichen Rechten entzogen. Vnd haben Innen/Alle
Trewer/Behorsam/ vnd Vnderthenikeit aufgesaget.
Vnd/dieweil es Offenbahr ist/das der KONIG
vnd die KRONE czu POLEN/ des gedachten

B

Ordens

ORDens LEhn Herr/ Patrohn/ Schtyfter/ vnd
Begaber ist. Vnd das auch die Lande Preussen/
durch die Krenz Herren/von dem Leybe/vnd Ei-
gentuhme des R^EJches czu P^Olen/wydder Re-
cht / vnd Gyllikeit/ durch Gewalt/ vnd mit Kryge
entfremdet sein. Derohalben/Als balt wyr nur czu
vns selber / ein wenig wydder gekummen waren.
Da haben wyr Byllich geachtet / das wyr/Vnser-
rem Alten H^Aupte/ vnd Leybe / von dehm wyr
geuussert gewesen/Wydderum voreiniget/vnd czu
getahn werden mochten. Damitte also desto mehr
offenbahr wyrde/das wyr durch solche Aufsagun-
ge des Gehohrsames/von Vns dem Maister/ vnd
dem Orden geschehen/ nicht Alleine / Ihr Tyran-
nisches Joch/vnd Ire Schtolcze/Ibermuttige Her-
schunge vmb wydder erlangung / vnserer Alten
freyheiten / von vns geschoben. Sonderen/ das
wyr auch/Alsbalte/Vnsere gebyrliche Alte H^ER-
schafft wydderum gesucht haben. Vnd weil wyr
erkanten/das die H^ER Pschafft/vnd genczliche Suc-
cessiohn/vorgemelter Lender Preussen/ dem Aller-
durchleuchtigsten F^VR Sten Herren C^AJ-
M^XR O/von G^OTtes genaden / K^ON^IGe czu
P^Olen/Grosfursten in L^Ttauen/vnd Erben/des
R^Eussen Landes / auch der C^Rohne Polen/durch
Gottliches/ vnd Weltliches Recht gehohret. Der-
wegen/

wegen/ So haben wir/ vnsere erkohrne Botten/
 Als nemelich die Grosmechtigen/Edlen/vnd Wei
 sen Herren JOhannem von Basen/ Augustinum
 von Schewe Ryttere / GABrielem von Basen/
 NJC Olaum/ von Wolkowo/ den Dyrschauſchen
 Richter/ Laurentium Czerps / Culmiſchen/ Rudz
 geren von Byrcky / Thorniſchen/ Laurenczium Pyl
 grim Elbingſchen Burgermaistere/ JOhannem Kal
 Braunsbergiſchen/ Georgium Schwach / Kons
 bergiſchen/ Nicolaum Rothman/ Kneiphowiſchen
 Wilhelm Rothman vnd JOhannem Maideburck
 Danczkerſchen/ Rahtleute / mit voltkommer gewalt
 apgesant. Vnd haben seiner KOniglichen Ma
 iestaht/vnd ſeinem KOniglichen Trohne. Gebitz
 te/ vnd gewalt/ Opgemelte Lender Preuſſen / die
 Culmiſchen/Pommerelliſchen/ vnd Michlaniſchen/
 auch alle andere/dehnen angegnupfte/ So wol czu
 Lande/ als czu waſſer gelegen / auch vnſere Perz
 ſchohnen/Schloſſer/Groſſe/ vnd klaine Schrette/
 vnd Dorffer/auch alle vnſere Gutter/ die biſhehr
 in vnſerer gewalt ſein. Vnd in kummenden czey
 ten ſein werden/ Gegeben/vnd vnterworſſen. Wie
 wyr dan auch/durch diſſen Briſſ/freiwillig geben
 vnd Ewiglich vnterwerfen/vnd nehmen den Herz
 ren CASimirum/KOnig czu PPolen fur vnſeren
 Einigen/ vnd Gebuhrlichen Herren/ vnd Erben/

gancz willig wyddrum an. Ja/wyr thuben vns
auch/vnd opgemelte Lender Preussen/dem Eigen-
tum / vnd dem Tyttel / der Krohne Polen/gencz-
lich wid drum einleiben / vnd inuisceryren. Doch
also Bescheidenlich/das wyr Aller Pruillegien/vnd
Freiheiten des Reiches Polen/ gebrauch/ vnd Ges-
mainschaft / In Sonderheit aber / mit den Ande-
ren Einwohneren des Reiches/Eine Gemeine MA-
LLE/vnd Krohnunge/der Czukunftigen KONIG-
gen haben werden. Vnd bekennen also hymit/Aber
vnd Abermales offentlich. Dieselbige Vnsere ge-
tahne Vntergebunge / Vnterwerffunge / Aufneh-
munge/vnd Gehohrsam. Vornewen auch die sel-
pte hymit/ VNS/ vnd Opgemelte LENDER/ ER-
WILICH/ des gedachten Herren KONIGES/ vnd
Seiner MAYesteht Nachkomlingen/vnd des Rei-
ches POLen/ Gebytte / Gubernatiohnen/ Schucz/
Gewalt / Trewen Herschungen/ vnd Regyment
Vnterwerffende. GELobende/fur VNS/Vnsere
Erben/vnd Nachkomlingen/Bey Trewen/vnd Er-
hren/vnd bey der Byrden/ des durch Vns getah-
nen Nydes. Das wyr / dem Hochgedachten Aller-
durchleuchtigsten FÜRSTEN/ Herren CAsimyr-
ro/ KONIGE czu POLen/ vnd Seiner MAYesteht
Nachkomlingen/KONIGEN czu POLen/Als Getre-
we/vnd Vndertehnige/Gleich wie Andere des Rei-
ches

7

ches Vndertanen/wollen gehorsam/vnd gehobrig
sein/Geltreulich/ vnd Beschtendiglich/ EWIG-
lich/vnd czu EWIGEN ZEITEN. Doch/
das Vnsere Rechte / Allezzeit Vnuorsehret blei-
ben. Vnd wollen/in Desselpten Herren KONIGES
vnd Seiner Nachkomlingen/KONIGEN czu Polen
Gebytte/Gewalt/ Gubernatiohnen/ Vndertehnia-
keit/Herschungen/vnd Regiment/von dysser Schz-
tunden an / in Ewikeit vorharren / vnd bleyben.
Vnd wollen Vns/czu keiner Zeith/von der Kroh-
ne Polen / mit Dehr wyr/ Ein Vnczertrenlicher
LEXP sein/Scheiden/Sequestryren/odder Alie-
nyren/vnd vorenderen lassen/ noch vorwyligen.
Gelobende / dem gemelten/ Herren CASIMIRO
KONIGE/ vnd Seinen Nachkomlingen/KONIGEN
czu Polen/in Allen / So wol wydderwertigen/
Als glycklichen/vnd sonst Allerley fellen/mit Taht
Beischtant/Raht/ vnd Hylse/ getrenlich/ Wydder
Alle derselpten Feinde/vnd Wydderwertigen/vnd
widder Alle Perschohnen/So wol Geistliche/Als
Weltliche/ wes Schtandes / vnd Wyrdikeit / die
auch Immer sint. Wydder Gemeinen/ odder Vni-
uersitehten/vnd in Sonderheit/Wydder den Ma-
ister/vnd Orden in Preussen/Auch in Deuthschen
Landen / vnd Leyflande / Getrenlich/ mit Leybe/
Gemytte/vnd Gutte/ vnd mit der Tat Beischtchen.

Vnd des Herren CAZImiri KOniges/ vnd Sei-
ner Nachtomlingen KOnigen zu P^Olen/ nucz
frummen/ Ehre/ vnd guttes/ nach vnseren Euser-
schten fresten/ vnd vormygen czuolbringen/ vnd
auszurichten. Vnd das wyр nymmermehr/ durch
Irkeine Beschonunge/ Kunst/ Noht/ Czusal/ Beque-
mikeit/ odder Wycze/ gemelten Herren CAZImi-
rum KOnig/ vnd Seine Nachtomlinge KOnige
czu P^Olen/ vnd die Krohne vorlassen wollen/ od-
der czum vohrfange/ Vorlezung/ vnd Vorsehrun-
gen/ dysser vnserer yczigen Vnterwerffungen/ vnd
Vntergebungen/ mit dem gewesenen Maister/ vnd
Orden in Preussen/ noch mit den Maisteren in
Deuthschen Landen/ vnd Eiflanth/ Irkeine hande-
lung/ voreinigung/ vorschreibunge/ fraintschaft/
verbunthnis/ berehdung/ odder gesprech/ ohne des
Herren CAZImiri Koniges vnd seiner nachtom-
lingen/ KOnigen czu P^Olen/ Sonderlichen czulas
vnd willen/ durch vns selber/ odder Irkeine besch-
telte Perschohnen / Es sei gleichs / welcher gesch-
talt/ es Immer sei/ offenthlich/ odder haimlich/ ma-
chen/ odder vohrnehmen wollen/ ohn allen betruck
vnd gefehrde/ bey Trewen/ vnd Ehren. Welchem
Allerdurchlauchtigsten Fursten/ Herren CAZImi-
miro/ KOnige czu P^Olen / alsbalt Er glucklich/ in
die Lande Preussen/ oder Pommeren kumen wirt/
auff

8
anff seiner Maiestacht erfodderunge wir volkom-
lich geleisten wollen/vnd czugelaiten vns vorbins-
den/der Getrawheit/Vnderthenigkeit/ vnd gehors-
ams/Ewiglich zu halten/Vnseren leiplichen Ayht.
Vnd welches Alles/Wyr Vns auch Tzunt schohn/
durch der gemelten Vnserer Gesanten Perschoh-
nen geleistet czuhaben/ Bekennen/ vnd aussagen.
Vnd durch dysse Regenwertige vnser vorschrei-
bunge/czu mehrer Bekrestigung/auch hiemitte thu-
hen/ vnd gelaisten/ Geschehen/ vnd gegeben in
Thorne/am negesten Montage/nach dem Sontaz-
ge Palmarum. Im Jare des Herren. Tausent/
Vierhundert/vihr vnd funffzig.

Folget / der Sonderliche
Ayht / welchen die SCHAT Danczick
Balt dernach / der Hochgemelten KÖNIGLICHEN
Mayestehet / vnd der KROHNE POLER
getahn hott.

Im Nahmen des Herren / **A**WERN.
Czum Ewigen gedechtnis / Weil man alsdan / vyz-
len Irthumben/vnd czweiffelhaftigkeiten/auch Schz-
ehden Weislich czu vohrkunt/Wan wyr/ die Ges-
schichte

schichte vnserer Zeit/durch Brysse/vnd vorzaich
nis der Gezeugen Ewig machen. Derhalben/
Wyr Burgermaister / Rathmänner / Schopffen/
Geschwohrne/vnd die Gancze Gemaine der Sch
tadt Danzick / Betrachtende / Nachdehm wihr/
vor vülen vorlauffenen Jahren/ von dem Gebitte/
der KOnigen/vnd FVRsten czu PÖlen/die über
vns/anfenclich/ auch Erplich/vnd aus Naturli
chem Rechte herscheten. Vngeburlich apgezogen/
vnd mit harter Tyranneien der RRKeczherren/
widder Recht / vnd gewaltiglich vns gebittenden
gezwungen/vnd geplaget sint worden/von Solz
cher vylfeligigen merter / vnd schwehren Burden/
durch den Allerdurchleuchtigsten FVRsten/vnd
Herren/Herren CASimirum von GOTTes gena
den / KOnig czu PÖlen/Großfürsten in Lytta
wen/Reussen/ Preussen/ auch in Pommeren Her
ren/vnd Erben/in Seiner Durchlauchtikeith Ge
bitte/auch der Erbhne PÖlen czuaigung/vnd Er
binleibungen / vns wydderum anzunehmen beghe
rende/ Sint wyr/ mit so großer/ Seiner Durch
leuchtikeith. Vnd der Erbhne PÖlen liben/vnd ge
nad erzaiungen vmfangen wurden. Also auch/
das wir nicht alleine/ durch macht des Armes sei
ner Durchlauchtikeith / von der vngerechten / vnd
seher engotlichen Besiczungen der RRKeczherren
enthnos

9

enthnommen/vnd gefreihet/auch dem Reiche P^Oh-
len widderum czugeaigenet/vnd eingeleibet/Son-
deren auch/ mit vilfeltiger der Ehren/ vnd Genas-
den erczaigungen/geschuczet vnd aufgerichter wor-
den/durch dissers Briffes inhalt. Idermenniglich
kunth thubende. So woll den nachtomlingen/ als
den Regenwertigen/ Bekennen wir offentlich/ das
Wir/vnd vnserer Nachtomlingen/gemelter Schtat
Burgere/ des gedachten H^Erren C^AS^Jmiri/ vnd
seiner Nachtomlingen K^Onigen czu P^Ohlen/ als
vnserer Herren/vnd Erben Herschungen/Reiche/
vnd Gebitte vnterworffen sein/auch vnderthehnis
kaith/ beyschtant/ reuerencz. Trewe / vnd gehor-
sam/ seiner Durchlauchtikeith/vnd Nachkommen-
den K^Onigen/des Reiches P^Ohlen/ czu Ewigen
Zeiten czu gelaisten schuldig sein. Vnd czu kraft/
vnseres bekenthnis/der Schuldigen vndertheneit.
Wollen/vnd sollen wir/auch vnserer Nachtomlin-
gen/ gemelter Schtat Burgere/dem gedachten Al-
lerdurchleuchtigsten Fursten/vnd Herren C^AS^J-
miro/vnd Seinen Nachtomlingen/ K^Onigen des
Reiches/alle Jahr/vnd czu Ewigen zeiten. Czw-
tausent Gulden Vngerisch/Keines Lauteren gol-
des/Vnd vollkommen gewichtes/ Jerliches czinses/
Ein Tausent/auf das fest S. Johannis des Tauf-
fersch. Vnd das Ander Tausent/ auf das fest/der
C gebuhet

gebührt/des Herren/ohne mittel/nach ein ander fol
gende czugeben/ czu czahlen. Vnd czuerfullen schul
dig sein. Item wir sollen/vnd wollen auch schul
dig sein/ dem gemelten Allerdurchleuchtigsten Her
ren CAZImiro/ KOnig czu pOlen/ vnd Seinen
Nachkomlingen/des Reichs czu pOlen KOnigen/
alle Jahr/vnd czu Ewigen czeiten/Eine freie Sta
tiohn / drey tage lanct / Seiner Durchlaichtigen
Maiesthahit. Vnd derselpten Hoffleuten gemees
wirdig/vnd genugsam czu geben. Item/Wir wol
len/vnd sollen auch Schuldig sein/ dem gemelten
Allerdurchleuchtigsten Herren CAZImiro / vnd
seinen Nachkomlingen/ des Reichs czu pOhlen
KOnigen/Einen Hoff von Czygelen/Seiner Ko
niglichen Wyrden gemees/vnd Czihelich czuerbaz
wen/ auch mit czygelen czubedecken/ vnd/ So oft
Er czubrochen/odder/ durch langwyrkeit vortez
ben wurde/ wydderum czu erbawen / czuerhalten/
vnd czu reformyren. Item/In dem selbigen Hoffe/
gemeuerte Schtallunge/sur Czwehundert Kofse.
Item/ In demselbigen Hoffe / Einen gutten Sch
peicher/ czur Behaltungen KOniglicher Wahren/
Czu machen/vnd czu bawen. Allen Anderen Byl
lichen/vnd Dysser Verschreibungen nicht apbruch
lichen/Onseren Rechten/ in Irer kraft vorbleibens
den. Czu Welcher dyngen geczencknis/vnd kraft/
EWJ.

EWIGER Beschtendikeit / yst der gedachten
 Schtat **DAN**cyck Sygel hyran gehencet. Ges
 schehen/vnd gegeben czum **EL**binge / am tage der
 Heyligen Dreyfaltikeit/ Im Jahre des Herren/ Ta
 usent/ Vyhrhundert/ Vyhr/ vnd Funfzygsten. In
 Egenwertikeit der Hochwyrdigsten in **CHR**J
 sto Dehter/ auch der Grosmechtigen/ vnd Weysen
 Herren/ Johannis/ Leschlauschen/ Andree/ Pohs
 nischen/ Von **GO**Ttes genaden Byschoffen. Joanz
 nis von **TE**Uzyhn / **KK** Akawschen/ Lucae von
GVHKen/ Pohsnischen Woywodden/ Johanz
 nis von Konioypole/ des Reichs czu **PO**len Canz
 zlerschs/ Johannis von **BA**sen/ des Durchlechtig
 sten Fursten/ Herren **CA**RMiri / **KN**igiges czu
POlen/ der Lande Preussen **GV**bernatoris/ Ga
 bryelis von **BA**sen/ **EL**bingischen Woywoddens/
 Laurency Krentersch/ **Cul**mischen/ **R**ydgersch von
 Byrcken/ **Thorn**ischen/ Andree Brumau/ **Kons**ber
 gischen/ Laurency Pylgrim/ **EL**bingischen Burger
 maister/ Vnd Anderer Dylers glaupwyrdiger/ Ges
 ceugen.

Solget/ der drytte Abt / Welchen
 hernach/ Im 26. Jahre/ Ein Ider Danczke
 rischer Einwohner in Sonderheit/ dem Allerduer
 chlechtigsten Fursten/ vnd Herren/ Herren **S**J
GSMVND / Hochloplichster gedechtnis
 C 2 KO

KOnige czu **P**olen/2c. getahn hott. Vnd welchen
auch noch ferner **ALSO**/die Byrger in **Danczyck**/
Allen Durchleuchtigsten **POLNischen** Konigen/
Ewiglichen tuhen müssen. Darynnen Son-
derlich/das Helle/vnd Klare Wohrt/Vom
EXSCHTGERONETEN
KOnige gahr wol czumer-
cken yst.

Ich **N. N.** Schwehere/dem Aller-
durchleuchtigsten Hochgebohrnen Fursten/
vnd Grosmechtigsten Herren/Herren **Sigmund**
do/KOnige czu **Polen**/Grosfursten in **Lyttawen**/
Reussen/vnd Alle der Lande **Preussen**/2c. Herren/
vnd Erplingen / **Meynem** Allergenedigsten / **Nas**
tubelichen Erp Herren / Vnd Seiner **KOniglichen**
Mayestehet / Rechten Nachkomlingen / vnd
EXSCHTGERONETEN KOnigen / getre-
we/vnd holt czu sein. Als myr **So GOTT** helfe.
Welcher Nyht/dan in den **KOniglichen** Statutz-
ten/genczlich/vnd volkomlich ausgedrycket wor-
denist. Darauf Ich mych tuhe referiren.

Wie treulich aber / die Regenten der
KOniglichen SCHAT **Danczyck** / (Dye dan/
fur gahr **Sonderliche** Lyphaber / der **Wahrenn**
Chryz

10

Chrystlichen Religionen/ Hochgerühmet sein wol-
len. Welches aus Ires Kronyken Schreybersch/
des Hansen Hasentotterisch/ Buche/ vnd sonst I-
rem Anderen Scheinbarlichen/ gleissenden/ vnd
gancz Heuchlerischem Schpygelfechten/ So in yrer
gedryckten Lecherlichen Vorentwortungen/ vylsel-
tig enthalten/ klerlich czu ersehen ist.) Solche ge-
melte Drey Heylige **WDE** betrachtet/ vnd in Acht
gehalten haben/ Das czenget gancz Augenscheinz-
lich/ Dyse folgende/ vnd von Innen gancz
Offentlich getahne Abbyttunge.

(?) |?/ (:)

W B Y T T W S E.

So vom Burggraffen/ vnd den Ande-
ren Ordenungen/ der KOniglichen Schtatt Dan-
czyck/ auf Iren knyen lygende/ Mytten ym Kreysel/
des **KE** Ichs **K**Abtes/ fur der in **GOTT**/ Seliz-
glich ruhenden **Konn: Mt:**/ Herren **S**igismundo
Wugusto/ Hochloplichster gedechtnis/ den 23.

Tag July/ czu Warschau/ ym Reichstaa-
ge offentlich geschehen ist.

Im Jahre des Herren.

1 5 7 1
E

3

Allers

WELLEX DURCHLEUCHTYGSTER
KONIG / Vnyberwynthlichster FÜRST /
Allergenedygster Herre / wir haben mit der Taht
Befunden / Das Eure Allerdurchleuchtygste KO-
nigliche Mayesteht / Vnser Allergenedigster Her-
re / durch Vyle / vnd Schwehre Vrsachen Bewogen
sei. Das Sie / den Hochwyrdigsten / vnd die Gros-
mechtigen Herren COMmissarien / in Ire KO-
nigliche Schtat Danczyck abgesant habe. Dan
wir Bekennen / das Vyle Irshal / in derselbigen E-
A: D: KON: NT: Schtat begangen / vnd geybet
worden sein. Welche / Beyde der Schtraffen / Wie
auch einer Reformyrungen E: A: D: KON: NT
gahr hochlich bedurffet haben. Derohalben. das
wir / So wol / durch die czuuoher geybeten Fehl /
vnd ibertretungen / wie auch durch Aufschlyssung
der Legaten / vnd Commissarin E: A: D: K: NT:
Dieselbige E: A: D: K: NT: vnd Alle Schtende /
der Hochberyhmeten KRONE PÖlen / schwerlich
chen beleydiget haben / Also auch / das mit Rechte /
Solches / an Vns Allen / Auch an der Schtat Dan-
czyck / E: A: D: K: NT: byllich rechnen / vnd Sch-
traffen mychte. Solches yst Vns Allen Sehre
Leith. VNTERwerffende vns aber / dem genez-
digsten Wolgefallen / E: A: D: K: NT: Bytten
wyr Dyselpte ganz DERNITilgichst / Vm
GOTTes

12

GOTTes willen / das Sie / nach Irer angebohr-
nen Genaden / vnd Guttikeit / Ire gefaste Vngena-
de / genediglichst wydderum von vns apwenden /
vnd Alle Ir sal / vnd Vbertrettungen / So bysbehr
von vns begangen / vorzeichnen / auch die VOR-
WYRTen Schtraffen / Allergenedigst erlassen /
vnd in Ire vorige Trew / vnd Genade / Ire Vnder-
tahnenn wydderum nehmen wolle. Dan Wyr Ge-
loben / ALLmermehr hernach males / wydder
Vnsere Schuldige Vndertehnikheit / vnd pflichti-
gen Gehohrsam / mit dem ALLER geringesten
czuhandelen. Sonderen / das wyr / Solche bez-
gangene Vbertrettungen / myt Allem fleysse /
Wahrer Vndertehnikheit / vnd Getrau-
heit / **WIRTSCHAFT** erschattenn
wellen.

An / die Schohnen Regenten / die
Hogen / vnd sehr Schtolczen Beume / werz-
den durch Solche Ire / So Offentlich getane Al-
lerdemuttigste Abbyttunge / (vnd Sonderlich /
Weil Sie / auch noch darczu / Ihr / darynnen getas-
nes / vnd Hochbeteures Gelopnis / auffss Newel
So gahr greulich wydder ybertretten haben.) Ir-
hrer ganz Bosen / Faulen / Vbelschtyckenden / vnd
gyffrigen Frychten / bey Allen Gelehrten Leuten /
Vnd

Vnd Sonderlich/Bey Allen wahren Lyphaberem/
der Chrystlichen Augspurgischen Confessionen/
gahr czu offenberlich / vnd gahr czu heftlich yber-
czuget / vnd yberwysen. Das Sie nemelich / die
Chrystliche Kelygiohn/nur ym Munde/vnd gahr
nicht ym Herczen. Ja/ nur czum **D**E**C**Kmantel/
Ihrer Schwehren Regyrungen/ fur der Hochbez-
drengeten Gemeinen Byrgerschafft / ryhmen/ vnd
syhren tuhen. Vnd das Sie gewyslich/gahr Key-
ner Creaturen/Mehr Vnehnlicher/vnd mehr Un-
gleicher sein. Dan **L**hben/ den wahren Lyphaber-
ren der Chrystlichen Augspurgischen Confessio-
nen. Dan/Sie haben die **F**vrchte **G**O**T**tes/vnd
die Schuldige Ehrer Byttunge/Kegen Ire Chry-
stliche **H**ohe Obrykeit/ gahr czu mutwyllig/auch
gahr czu frech/vnd frefflich/ Ja gahr czu Erschres-
cklich hyndangesetzt/ Also yberaus Grenlich auch/
Das kein **T**vrck odder **T**atter/ sych kegen seynen
OB**E**R Herren/ Vngebyhrlicher nicht erzeigen
konte. Wie Ich dan auch/ein Solches/Myt Allen
Hrrren Doctoren/vnd Professoren/der Augspur-
gischen Confessionen/gancz gruntlich Bewysen ha-
be. In meyner Mysinien/die Ich/an den Ehrwyr-
digen/vnd Wolgelehrten **H**: Magistrum Johans
nem Weydnerum/der **R**O**N**: Schtat Danczyck/
czu dehero czeyt Predicanten damahls /schohn Im
vorlas

vorlauffenen 72. Jahre geschryben habe.

Weil aber/damales / czu Warschau/
 an Solcher Schwehren geschribenen Apbyt-
 tungen/Wie auch dergleichen/an der Negesten/die
 czum Anderen mahle/ Von den Gahr heyiligen
 DANZKERYSCHEN Regenten / aufs Newe / in dem
 KON: Schlosse Marienburck/ fur der yczt Res-
 gyrenden Allerdurchleuchtigsten KON: MIT:/
 auch in Regenwertikeit Eczlicher Durchleuchtigs-
 ter/vnd Durchleuchtiger CVH: vnd FVR Se-
 ten/des heyiligen Römischen Keyches h: Gesan-
 ten/Sampt den Hochwyrdigsten h: Rehten der
 Krohne P Olen/ am vorgangenen/ 77. Jahre ge-
 schehen ist. Gahr vyle Ehrliche / Redliche / auch
 dem Reiche czu P Olen/von herczen getrewe/ vnd
 Hochbedrengete Byrger. IA auch/Czwehne Er-
 bare RAHts Perschonen / Als der h: LUCAS
 BLUMENSCHTEIN/vnd h: JOHAN VON DER
 ERNDEN. (myt Ihrem Ewigen Ruhme)
 gancz Vnschuldig gewesen seint. Derohalben. So
 hab Ich auch/Als der KON: Igliche Instigator/
 schon damales czu L Vblyhn / Meyne Offentlich
 angebrachte/vnd darnach auch Gedruckte/ Peins-
 liche/Rechtmesige/vnd Wolgegryndete Anclage/
 Gahr myt nychte / Wydder dye Gancze Erbare/
 vnschuldige Gemeine Danczkerische Byrgerschaft.

Sonderen Ausdreycklich/ Vnd myt gancz Klahren
hellen/ Kunden Worten / nur alleyne/ Regen/ vnd
wydder/ die Rebellischen Regenten/ der R^{OM}:
Schrat Danczyet/ gancz klerlich/ vnd ausdreycklich
Intyttuliret/ vnd begrenzet. Ja das noch mehr
ist. So habe Ich auch/ noch darzu/ Wydder meyr
nes geschtrengen Amptes gebyhr/ (dan Ich wol
weis/ Was die geschrybenen Rechte/ von Rebel-
lischen Schtetten/ Nemlich/ von dem Rahte/ vnd
Burgeren/ des falles/ Vnterschydlich seczen tuhen.)
Nichtes desto mynder/ So habe Ich dennoch des
vngachtet/ die Erbare/ Hochbedrengete Gemeyne
Danczerische Burgerschaft/ fur der yn G^{OTT}/e/
Sehliglich ruhenden R^{OM}: Mit:/ nicht allein
aufs Bequemeste/ So myr Immer mygelich ge-
wesen/ entschuldiget. Sonderen. hab auch noch yz
ber das/ aus C^HR^{IST}licher mytleydungen/ gabr
Treulich/ vnd fleissig/ damales fur Sie gebetten.
Wie dan ein Solches/ Meyne offentlich gedruckte
Anclage Vnwydderschprechlich ausweist. Ja das
noch mehr ist/ So beweyset auch/ derselbige durch
mych/ (G^{OTT} lop) gancz Schtanthastig gefyhr-
rete Proceß. Das Ich damales in sunderheit/ nur
den Danczerischen Burggraffen/ den Gyrgen Kle-
felt/ vnd neben Im/ C^Zwehne Burgermeister/ den
Constantinum Ferber/ vnd den Johann Prenten/
Als

14
Als seine/ zu allen Rebellische handelnen gancz wyl-
lige/ vnd gahr woll apgerichte Werckzeuge/ vnd
nur eynen Rahrman/ den Rechten Kreuzeltreyber/
vnd fuhrnemesten Komohrmayster / den Albrecht
Gysen/damales fur das Heylige R^{OM}: Halsges-
rychte gefoddert habe. Welche dan auch Alle Dy-
hre/ auff meyne gancz Rechtmessige vnd wolge-
grundete Peynliche Clage/ von der in GOTT
ruhenden R^{OM}: Mt: ym Gemeinen Keychstage
czum Gefencknis verurteylet / auch offentlich von
Lublyhn Weggesyhet/ vnd yber Anderthalp Jar
lanck/ zu Sandomyhr/ vnd zu Pytterkau/ in Bes-
schtryckungen gehalten worden sint. VND das-
rum/ So erklehre Ich mych auch dessen hymitte
noch abermales fur Idermenniglich czum Ibersu-
sse. Vnd Sage dehinnach Geschwendiglich/ das Als
le die Jennigen/ So bysshehr/ wegen dysser Sa-
chen/ Andersch von myr geredt haben/ Vnd Son-
derlichen die lossen Leute/ der Regenten/ leychtfer-
tige/ vnd Vnuorschehmete Furschwenczer/ Sup-
penfresser/ vnd Teller leckker/ die mych/ die Lange
czeyt yber/ des Interregni/ Baussen Gerychtes/ hin-
ter meynem ryckken/ gancz Vnerbarlich/ (Dan auch
die Allerhögsten Chrysilichen Obrykeiten / von
Solchen Ehrlosen Schelmen/ gahr nycht ver-
schohnet werden.) frefflich gelestert haben. Als

Solte Ich/durch meyne Ehrenste/vnd Gerychtliche Verfolgunge Rebellischer Vndertahnen/ Vnd Sonst yn meynem Ampte/nycht Redlich/vnd wyd der des Vatterlandes Freyheit/ gehandelt haben. Vnter welchen Ehren Schenderen/der Gropstolcze Wyllem Wehfczagel/vnd Hans Krompmaul/nycht die geringesten Puben sint. So sage Ich/der selben Ganczen Schende Kotten/ das Sie mych/ ein Solches/wie Verlogene/Ehrendybische Beseswychter / vnuorschehmet vnd Felschlich tuben antychten. Des czu mehrer Orkunt / hab Ich mych/ myt Aigener hant / hybr vnterschryben/ vnd meyn Adelyches Wappen/Innen/vnd Allen meynen Fezynden/ czu Trotcze / hyrunter offentlich mytte andryckfen lassen.

Der Hochgemelten KÖNiglichen Mayestehet czu PÖlen/etc. Meynes Allergesnedigsten Herren/vnd KÖniges/Preusscher Instigator/vnd gancz bereithwyligster dener Mychel Frydwalt
manu propria fsbt.




15
V I R T V S
I N V I D I A E V I C T R I X .



Frydualdi Egregii, En vera hec Michaelis imago est.
sic vultum, barbam, & talem Habitum ille tulit,
Nempe Gedanenses Rectores quando rebelles,
R E G I S in aspectu detulit intrepide,

IVSTVS VT PALMA FLOREBIT,



Auro hinc candentes Gladios, & fronde virentes
Palmas, En clypeus fert Frydenualde tuus.

Der Grecht wirt grynen/als der Palm.

Op gleichs vyl tripsal mit ein ffalln.

Drum syhet Ehr FXWwalt drei Palmbeim.

In seinem WAppen/artlich sein.

16

Also saget der fuhrtreffliche Scribente/ H.

IOANNES SLEIDANVS.

Durchleuchtigster Fursten/ vnd Herren lobliche
Thatten / mit schtylschweigen zu iberges
hen/ vnd die selben nicht / mit hegestem fleisse/ zum
ewigen gedechtnis zu beschreiben/ Achte ich furwar
nicht/ das Ir kein vernunfziger mensche sey/ der sol
ches nicht/ fur ein grausames/ vnd gantz schentliches
Laster schrucke halten solt/ etc.

Hyeneben/ weil auch/ Hans Hasentotter/ in seiner
gedruckten Croniken/ die er/ am vorgangenen/ 69.
Jahre / den Regenten/ der Konniglichen Schtatt
Danczick zugeschryben hott/ Klerlich saget/ das es
dergleichen auch nicht vnbillich sei/ das man/ Aller
aides vnd Ehrenuorgessener Amptheuten/ Ire bez
gangene Rebellion/ Laster vnd ubelthaten/ offenz
lichen drucken / vnd dieselbigen ia keines wegese/
ymb der nachuolgenden willen/ in vorgessenheit
kumen lasse/ mit disen clahren volgenden worten/
die da/ am 147. blatte/ seiner gedruckten Croniken
ausdrucklich gesetzt sint/ vnd also lauten.

Zu Nurnberck wahr ein Dyp geheneckt/

Ist billich/ das man sein gedenckt.

Herr Nyclas Mussel gheissen wahr/

Der was ein Burgermaister dahr/ etc.

Dero halben/ So habe ich Mattias Lawentotter
des Polen wolgelehrten/vnd Ehrennesten H: Mi-
chel Frydwalts/ alter dehner/ dehnnach auch bilz-
lich/ mit hogestem fleisse/ vnd wahrhaftiglich bes-
schryben / die gahr gewuliche Rebelliohn / welche
der Dantzkerische Burgermeister / Constantinus
Ferber/ sampt seinem Anhangen/ gegen die Heilige/
icz Regyrende Konningliche Mayesthet zu Polen/
etc. Iren Christlichen Oberherren/ vnd Konning/
auff aller frestlichste geubet haben.

Vnd wie sie auch darun / von der Konn: Mit/
nach Ordenug der Geschribenen Rechten / Rebel-
les erkant/ In die schentliche ACHT der Rebellen
erlehret/ Mit Hehres krafft yberzogen / belagert/
geschossen/ beengstriget/ bescheddigt / vnd verfolget/
vnd Entlich/ auff Ezlicher Durchleuchtiger/ vnd
Durchleuchtiger CDR: vnd FDRSTERN/
Des heiligen Römischen Reiches/ CHR Istliche/
Vohrbitte / vnd fleissige vnterhandlungen / Wie
auch/ auff der Rebellen/ Ihrer Gesanten/ Offentli-
ches / vnd ganz demuttigstes in Konninglichem/
Schlosse Marienburck/ getanes ABJETTEN/
sampt erlegungen / nicht einer geringen summen
GOLDES/ widderum zu genaden angenommen
worden sein.

Das

WEL Ich aber/ zu dysser zeit/wydder verz
 hoffen/ Khaschtig wurden byn. Vnd Solche
 gancze hystoriam / vom Anfange/ byss czum ende/
 myt Allen Iren notrigen vmschtenden/ Vollk6mlich/
 nycht habe druckten lassen konnen. Sonderen Eyz
 ner anderen/ vnd Besseren Gelegenheit erwarten
 muss. So habe Ich dennoch / yczt yn der eilen/nur
 den K6Niglichen Genahd: vnd Vortrages
 Bryff/welcher den Danczkeren gancz genediglichst
 gegeben ist. Vmb Aller Preuscher Vndertanen wyl
 len. die der Lateynischen Schprachen vntyndig se
 in/yns Deut sche vertyret/vnd alhy mit anzudruck
 ten Befyrdert. Vnd sint darinnen fuhrnemelich Dys
 se drey Puncta / gancz fleissig zu mercken. Czum
 Erschten/das man nemlich/ Allen Rebellyschen Vn
 dertanen/ czum Ewigen schreckken/ die Danczkeris
 schen damales / zu solcher verwyreckten Abbyttun
 gen verordneten Gesanten/ In dem K6N: Genad
 Bryffe/ noch gahr nicht / Namhaffte/ Dylewenger
 Ehrsame/nach Erbare/ Sonderen gancz Schlecht
 /den C6Nstantinum FERber / vnd HERrich
 ERNken/etc. genent hor. Dan Solcher Ehrtyt
 tel/wahrer Innen Erscht damales/ von der K6N:
 Mt: genediglichst wydderum vorehret. da sye I
 ren Schuldigen Nyht/ (welchen Alle Andere Red
 liche Preusche Vndertanen/ schohn salte nach der

E

Kroh

Ercheinungen/ohne alle Rebellion/Chryfflich/Wyl
liglich/Erbarlich/Beschwendiglich/vnd gancz Kym
lich geleistert hatten.) Sie denselbigen auch czu
uoher/Vnderthunigst/vnd gehorsamlich/haben lei
sten/vnd tuhen müssen. Czum Anderen/ yst darina
nen auch gahr woll czu mercken/ Wye gahr Hoch
weiselich/die KON: Mt: Ihre Regalia/vnd Ko
nigliches Recht/yber des K^olyches Czupolen
K^opliche Schtat Danczyck/ fur Sych/ vnd Alle
Seyner KON: Mt: Durchleuchtigste Nachkoms
lingen vohrbehalten/vnd aufs Newe gancz kreffti
gich gegryndet/vnd bewaret hott. durch dysse vol
gende Helle/Clare Clausel/Nemlich FVNDyrens
de/auf das ALTREK^oCHT/So WYK czu den
Lenderen Preussen/vnd folgents auch czur Schtat
Danczyck/ Als der Erwelete/ vnd auch Getronete
KONIG czu Polen haben. Welch Alt Recht
WYK wollen/das Es Ewiglich/Gancz/vnd Vn
vorschret bleybe. etc/ Dan Solch Alt/so ausdruck
lich bedyngetes REK^oCHT/ schtreckt Sych nycht
Alleine/ auff die vohrgehenden Drey Ayde/ Sons
dren auch auff die Hochwichtige Clausel/Welche
die Alldurchleuchtigsten Bayden GOTTseligen
KONige/ KONig SIGISMUNDVS / der
Vatter/vnd hernach auch der Sohn/KONig Si
gismundus Augustus/in den Dauczkerischen Sta
tuten

tuten/ aus gahr hoger Tyffsymmitheit gesetzet haben.
Nemlich/ Das Alle Polnische KOnige/ Ewiglich/
nach Irer KOn: Weysheit/ der Schrat Danczyck/
Chrystliche/ vnd nutzliche Ordenungen/ vnd Gesetze
geben. Auch dieselben/ der Nothdurft nach/ vorz
mehrten / vnd vormynderen mygen. Czum drytten/
So yst darinnen auch mit fleysse/ vnd gahr wol czu
mercken/ Wie gahr KOniglich/ Dye Heylige Mt:
den Frechen/ vnd Schtolczen Danczkerischen Regen
ten geentwortet habe/ Von wegen Seiner KOn:
Mt: Einzuges/ ynn Danczyck/ Das Sych nem
lich/ Seyne KOn: Mt: Von ynnen (Als den Erz
plichen Vndertanen der KX Onen Polen) Gahr
keyne masse/ odder Weyse/ dauon habe Vohrschreis
ben lassen wollen. Sonderen / Solche Einzuges/
Seyner KOn: Mt: / Vnd Allen derselben Durchs
leuchtigsten Nachkomlyngen/ Wyllen/ vnd Wolges
fallen/ genczlich/ vnd Vnwydderschprechlich
vohrbehalten habe. Vnd lautet der KOn:
Gnedigste Vortrags Bryff aus
drucklich/ wie volgt.

Wir S^t Ephanus/ von
Gottes genaden/ **König zu Polen/**
GR Osfurst in Lyttawen/der Lender Krakawen,
Sandomyhr/Syracz/Lunschycz/Coyau/Reussen
Preussen/Masawen/Sameyten/Culmischen/El-
bingschen/Pomerellischen/Kijoff/ Podlachen/
Lyslant/ etc. Herr. vnd Furst in
Sybhenburgen.

Z Vhen kunt/mit Dissem Unserem Bryffe/ Als
len/vnd Ideren/dehnen es zu wysen von nos-
ten ist. Weil Wyr/auf Vohrbytte der Durchleuch-
tigsten **CVH**: vnd **FDK**Sten/ des Heyligen
Romischen Reiches/Alsnemlich/des Durchleuchtig-
sten Fursten/ Herren **AV**Gusti/ Herczogen zu
Sachsen/ des Heyligen Romischen Reiches Ercz-
marschallen/vnd Eubrfursten/Lantgraffen in Duz-
ringen/Marcgraffen zu Meissen/vnd Burggraf-
fen zu Magdeburck/ durch die Grosmechtigen/
vnd Wolgebornen/Abrahamum Bock/auf Polach/
vnd Klyphausen/vnd Andream Pauli/ Juristen.
Item/des Durchleuchtigsten Fursten/Herren Jos-
han Gorgen/Marggraffen zu Brandenburck/des
Heiligen Romischen Reiches Ercz Kemmerersch/
vnd

vnd Cuhr Fursten/Czu Stettyhn/Pommeren/Cass
 siben vnd Wenden/wie auch yber Slesien Crossen
 Herczogen/Burggraffen czu Nuremberg/vnd Furs
 sten czu Rugen/durch die Grosmechtigen/vnd Wol
 gebornen/Abraham von Brunenberck/Commenda
 torem auf Lagow/vnd Vnter Fursten des Herczo
 gtumes Crossen/vnd Christofferum Meyenburck/
 Item/des Durchlechtigsten vnd Hochwyrdigsten
 Fursten/Herrn Joachim Frydrich/des Prymatts/
 vnd Erzbyschofumes Magdeburck gefodderten
 Administratoris/Marggraffen czu Brandenburck/
 Czu Stettyh/Pommeren/Wenden/Cassiben/Wie
 auch yber Slesien Crossen Herczogen/Burggraff
 sen czu Nuremberck/vnd Fursten czu Rugen/durch
 den Grosmechtigen / Otronem von Ramyhn / auf
 Krakow/Item/des Durchleichtigen Fursten/Herz
 ren Georg Fryderich/Marggraffen czu Branden
 burck/in Preussen/Czu Stettyhn/Pommeren/Cas
 siben / vnd der Sclawen / wie auch in Schlesienn
 Carnouie/ etc. Herczogen / Burggraffen czu Nuz
 ramberck/vnd Fursten czu Rugen/durch die Gross
 mechtigen/ vnd Wolgebornen/ Wylhelm Freyherz
 ren von Heideck/Johannem Paulum/von Schaut
 burck von Schnya/Hoffmaistereu/ Georgium von
 Wanbach / auf Ultfelt / Casparum Prantnerum/
 Baider Rechten Doctorem. Item/der Durchlauch

tzigen Fursten/ Herren Ludwicks/ Herczogen zu
Wyrtenberck/ vnd Tecken/ Graffen von Montisbes
Iyardi/ durch den Grosmechtigen Albrecht/ Graffen
in Lewenschtein/ Herren in Scharffenect. Item/ der
Durchleuchtigen Fursten/ Herren Wilhelms/ Lude
dwicks/ Philips/ vnd Georgen Gebryder/ Landgraf
fen zu Hessen/ Graffen in Kaczenellnbogen/ Dyecz/
Byegenheim/ vnd Nyda. durch die Grosmechtigen/
vnd Wolgebornen/ Burchart vom Kalemberge/
Nicolaum Theophilum/ Baider Rechten Doctorem.
Item/ der Durchlauchtigen Fursten/ Herren Johan
Frydrich/ vnd Ernesti Luddwicks/ Gebryder. Her
czogen zu Schtettyn/ der Pommeren/ Cassuben/
vnd Wenden/ Fursten zu Rugen/ vnd Graffen in
Gutzkow/ durch die Grosmechtigen/ vnd Wolge
bornen/ Tessen Kleist in Damen/ Hauptman zu
Schtettyhn/ vnd Belgart/ vnd Joachimum Eges
rum/ Baider Rechten Doctorem. Fur die Schtatt
Danczyck/ an Uns getahn. das Wyr/ durchnachlass
funge/ in vorgangener zeit/ Uns czugesygeten Ers
czurnungen/ Sie/ Die Vohrgemelte Schtatt/ Als
derselpten Magistrat/ Burger/ vnd Alle Einwo
ner/ Auch das Lanthvolck/ wie Andere vnser getra
ge Vndertahnen/ wydderum zu Genaden/ vnd vns
ter Vnsere vnterwerffunge/ vnd Trewe nemen wol
ten. Derohalben WIR Uns Grynndende/ auf das
Alte

Alte Recht / So Wyr czu den Lenderen Preussen/
 vnd folgents auch czur Schtat Danczyck/ Als der
 Erwehlete/ vnd gekronete KOnig czu Polen ha-
 ben. Welch Alt Recht Wyr wollen/das Es Ewis-
 glich/Gancz/vnd vnuorschret bleibe/Wyr Sie ha-
 ben aufgenummen / vnd durch legenwertigen Bryff
 aufnehmen. Doch mit folgenden Conditionen/Czu
 welchen sich die Schtat / durch Ihre Abgesantens/
 vnd Volmechtigen/den Constantinum Ferber Bur-
 germeistern/Georgen Rosenberck Rahtman/Hen-
 rich Lemke/Seider Rechten Doctorem/ vnd Syndis-
 cum/Reinholt Kleinfelt/der Schepfen Elderman/
 vnd Hansen Noette / der Quartyhr Maisterens/
 vohrgemelter Schtat Danczyck verbunden haben.
 Welche conditionen volgen. 1. Das Sie vmb Vor-
 zziehung DERNOTIG bytten sollen/ nach vora-
 geschribener Formen. 2. Das Sie/czur Bezengung
 gen Irer Schuldigen legen Vns Vndertehnigkeit/
 vnd gehorsames/Vns Czwehmal Hundert Tausent
 Polnische Florehn/Ideren czu Dreissig groschen ge-
 rechnet / czu czahlen Schuldig sein sollen/ Bynnen
 Fynff Jahren / czu gleichen Summen Nemelich/
 das Sie auf negestkynfftig fest S: Mychaelis/des
 negesten 1578. Jahres/ Dyhrczick Tausent Pola-
 nischer Florehn. vnd also die folgende Jahre her-
 nach/ Dyhrczick Tausent florehn/allezeit/auf das
 fest

Fest S: Johannis des Teuffel sch / ohne allen verzuck/odder austrede/thehtlich/vnd wyrecklich czahlen/vnd in Unseren Schacz bryngen sollen. 3. Das Sie Uns auch den Ayt/Irer Schuldigen Trenen Ohne yhrkeinen Verzcuck/in tegenwertikeit Unserer Commissarien tuhen sollen. In dero Formen/wie die Anderen Preuschen Schtette. Welche form/von dem Seligen KONIG Alexandro/ in des Reiches Statuta mitte ist eingefyret worden. 4. Dornach aber/das Sie alsbalt das Krygsuolck abschaffen/vnd die Schtat wydderum fryhdosam machen sollen. 5. Das Sie / czu Wydder er Bawung gen des Klostersch Olywen / Czwanzick Tausent Florehn Polnisch/in den Negesten Fynff Jahren/ Allezeit auf das Osterfest/ mit gleichen Summen/ Jehrlich / mit Vyhr Tausent florenen / Anhebende auf das Osterfest/des Negestkynstigen Jares 1578. Die Erschte Summe / der Vyhr Tausent florenen czalen/vnd auf dieselbe Czeit / in den nachuolgenden Jahren/Solch Gelt/ thehtlich/ vnd wyrecklich/ der KON: Mt: Befehlich haber czuzehlen sollen. 6. Die freien Staczyohnen/vnd das Jargelt/ welches sie czu vrkunt der Oberschten Herschungen czu geben pflegen. Vormege der Alten Privilegien / vnd gewonheit/ Sollen sie czu gebyhrlicher Czeit erlegen. 7. Was aber yhre Schulden belanget/ die sie fuhrgeben/

geben/ Das ynnen das Reich solte schuldig sein. Das
 von wollen Wyr/im negesten Reichstage rahtsch
 lagen. Wyr aber haben Innen/Kein/vnd gutwillig/
 aus Unserer K^oN: gunst vnd genaden/Dyße din
 ge die hernach geschryben sint/ vorheischen/vnd czu
 gelassen. Vnd czum Erschten/ haben Wyr ynnen
 Alle Erzyrnunge/ So wol in Unserem/als Unses
 res Reiches nahmen erlassen. vnd das Decreht der
 Acht/ So widder sie ausgesprochen/ apgetahn/
 Wie dan solche Aufhebunge/ vnter Unseres Rei
 ches Sygel ausgegeben / weitlauftiger in sich helt.
 Ire Privilegia/ vnd alle yre Rechte/ vormege vnse
 res Aydes/den Wyr czu Krakaw/ in Unserer Kro
 nungen getahn/welcher sich dan auch czu Unseren
 Lenderen Preussen/vnd also auch/ czu der Shtatt
 Danczyck ershtreckket/haben Wyr/mit Unseren Bes
 sygelten Bryssen/ die Wyr ynnen gegeben/ bekrefti
 get/vnd Confirmyret. Vnd des Freien gebrauches/
 Irer Religionen/ der A^ugspurgischen Confessio
 nen/ haben wyr sie auch/ vormege der offentlichen
 Vorbyntnis/mit Unseren sonderlichen Bryssen vor
 sychert. Welche alle obengeschrybene Brysse/ gelo
 ben Wyr/vnd vorheischen/ mit Unserem K^oN^oig
 lichem worte/in Allen derselpten punkten/ conditio
 nen/vnd clausulen/ feste czuhalten vnd czuerfyllen.
 Iber das. Tuhen Wyr ynnen auch dyße Genade/

f

das

Das Wyr ynnen/Alle Schehden/die sie Vnseren gut
teren/vnd Vnserer Vndertanen/odder derselben per
schonen / in dem negesten tumult czu gefyget. Doch
ohne die Schulden / Wahren / vnd Gytter/ die bei
ynnen/fur dem Tumult des Kriges apgeleget/genes
diglichst erlassen/ vnd Schencken. Vnd das Wyr
sie/ von des wegen/von nymandes/durch den Wegt
des Rechtes / odder der Taht / So wol von Vnse
rem Instigatore/wie auch von keinem Vnserer Vn
dertahnen/czuyberlestigen dulden wollen. Sonde
ren wollen mehr schuldig sein/sie czu er wehren/vnd
czustreihen. Doch ausgenummen das Kloster Oly
we/ von welches wegen / sie das opgemelte Gelt/ in
vohrgeschrybener weisen/ czu czahlen sollen Schul
dig sein. Weil wyr dan aber/czur czeit/der vorigen
Krczyrnügen/eczliche yre Gytter confisczyret haben
So schprechen vnd er kennen wyr/ das erschlichen
Alle unbewegliche gytter/ So wol gemeine / als
Sonderliche/an welchen orten/die gelegen/von dis
ser Confiscatiohn frei sein sollen / vnd das keiner/
vormoge vnserer briffen/vnd gaben. Imandes von
derselben besicze aptreiben solle/der beweglichen gut
ter aber/vnd auch der confiscireten Schulden/er cle
ren wir/das die Sūme nicht grosser sein solle. dan
Dreissig Tausent Polnische florechn. Vnd wellen
die vorzeichnis der/ vorgemelten Confiscatiohn/
nach

22

nach dem anfang des Reichstages Innen auszu-
geben befehlen. Also/das sie die schult/ vnd gutter/
So darinnen vorzeichnet sint/vorlyp nehmen. doch
soll die ganzte sūma/ Iber Dreissig Tausent Flo-
ren nicht machen. Wosie sich aber hoche erschre-
cken würde/ So sol dasselpte die Schat/wie auch
derselpten Burger / vnd Einwohner nicht ruhren.
Vnd wir wollen sie in dehm Schadlos halten.
Wo aber Eczlicher Leute gutter/ausserhalb vnse-
rer Autoriteht/von Irkeinem amptmane/odder auch
Besonderen perschonen/confiscziret worden wehren.
Dasselpte/wie es durch sich selber vnkreftig ist. So
sollen solche gutter der Schat / oder dehren Ein-
woneren/dehm sie gehohren/volkomlich wydderum
restituiret werden. Ferner/ alle Sentencz/Decreta/
Edicta/Concessiohnen/ Sequestratiohnen/Arres-
sta/odder Priuilegia/die czum vorfang der Schat
odder Orter / So einiger weisen darczu gehören/
wie auch/ so wol gemayner/als besonderer Perscho-
hnen/die vielleicht in dem Tumult geschprochen/vnd
ausgegeben sein/(doch ausgenommen die Gaben/iber
die confiscireten Beweglichen gutter / vnd schulden/
in opgemelten summen/ der 30000 floren begriffen)
cassyren/vnd vorrichten wir/Also/das alle der
Schath / wie auch sonderer Perschohnen sachen/
die an Vuserem Hoff durch Appellationem/ odder

sonst einiger anderer geschalt geflossen sint. odder
in anderen Prouincien. So in vnserem Reiche ge-
legen/noch hengen/die sollen den Parten/gancz/vnd
vnuorsehret sein. Vnd Sollen in dehnen terminen
pleiben/ in welchen sie/ fur Vnserer Cronungen ge-
wesen/Vnd alles/ was Sydder deroczeith/ darva-
nnen gehandelt/odder vorgevommen ist/Sol nich-
tig/ vnd kraftlos sein. So auch Eczliche Irer Bur-
ger sint/ die da Lanthgutter haben/vnd in czeit dis-
ses Tumults / von vns dariber keine Lehensbriffe
gefodderet / odder/ Ire schuldige dehnte nicht ge-
thahn haben. Die Sollen derohalben / Ire gutter
nicht vorlyren / Sonderen Wyr restituynren Innen
dieselpte genediglichst widderum / Irem gemitte-
tem Kriges volck aber/ vnd allen dehnen. So in
dehroczeith/ der Schtat/mit raht vnd thahet geholf-
fen/ Wes Schtandes/ vnd wesens die sein. Soll
darnach kein beschwehr darum enthschtehen. Vnd
dem apczibenden Krigesvolck/sol auch kein gefahr/
odder schaden czugefugct werden. Vnd so auch vy-
leichte/eczliche von vnseren Vnderthahnen gewes-
sen sint/die der Schtat perschohnlich gedehnet/ od-
der der selben mith frainthlicher gutwillikeit / fur-
derunge gethahn haben/ denselben soll darum/wie
auch Iren gutteren/ gahr kein schade / beschwehr/
odder gefahre czugefugct werden. Vnd weil dan
die

23


die gemelte Schtatt/ Vns ein Lybel yberreichet hot/
von dehnen dyngen/ mit welchen sie sich beschwehret
et zu sein saget/ wydder Ire Rechte / vnd Privilegia/
Welcher dyngen die Vohrnehmesten / zu den
Acten der Commissarien/ von Seligem S J G S
mundo A D G usto/ Vnserem Vohrfahren/ in dyselbe
Schtatt apgesant/ vnd auch zu Vnseres Reiches/
gemeiner Lanthtagen Constitutiones gehebrig. Dy
selbigen beschwehrungen/ werden von Vns verschoben/
auf den gemeinen Reichstag. Zu welchem Reichstage/
schon beruffen sint/ die Reht der Lande
Preussen/ die dan yber solche beschwehrungen/ mit
rahtschlagen sollen. Vnd was sich alsdan befinden
wirt/ das Innen Vnrechtmesig/ vnd Vngebyhlich
auferleget worden sei. Das wollen Wyr/ mit
Gemeinem rahte/ der Rehten apschaffen. Derogleichen
wirt auch der Handel/ wegen des Plockhauses/ auf
denselben Reichstag verschoben. Weil Vns auch
die Schtatt Supplicyrende/ eczliche dyngge / von
wegen Vnseres Kynzuges in die Schtatt fuhrgebracht
hot. So wollen Wyr Vns doch dauon/ gahr
Nichtes Vorschreiben lassen. Weil Solches Kynzuges
geschalt/ Allezzeit in Vnserer Vohrfahren
wolgefallen gewesen ist. Wan wyr aber werden
Einreisen wollen/ wollen Wyr die Schtat/ Sycherheit
halber/ wie Vnsere Vohrfahren getan/ durch


Unsere Autoriteit vorsehen. Vnd Dyse vobrageschribenen dyng/ haben wyr gemelter Schtat Danscyck/ Kein/ Gutwyllig/ vnd aus Unserer Gunst/ vnd Genaden czugelassen/ vnd Indulgyret. Vnd tuhen dieselbigen/ Allen/ dehnen es czuwysen von nehten/ Kunth vnd offenbahr. Gebyttende/ das/ wie sie Einem Ideren czugebehren/ vnd antreffen/ Also Idermenniglich dieselpten auch halte/ vnd erfylle. Die gemelte Schtat aber/ Sol czu opgedachter dynggen/ thettlicher vnd wyrcklicher/ (fur yhr theil) Vol lenczyhunge/ vnd erfyllunge/ auch verbunden/ vnd vorschtrycket sein. Czu welcher dynggen glauben/ haben Wyr dyssen gegenwertigen Bryff/ mit Eigener hanth vnterschryben. Vnd mit Unseres Reiches Sygel czubekreffrigen befohlen. Geschehn/ vnd gegeben zu Marienburck/ den Czwelften tag/ des Monats Decembris. Im Jahre des Herren. 1577. Unseres Reiches aber im Anderen Jahre. In gegenwertikeit/ der gemelten Durchleuchtigsten/ vnd Durchleuchtigen Cuhr: vnd Fursten/ des Deuthschen Landes opgenenten Oratoren/ wie auch des Hochwyrdigen/ der Grosmechtigen/ Wolgebornen/ vnd Ehrwyrdigen/ Petri Dunyn Wolsty/ Ploczczyischen Byschoffes/ vnd Unseres Reiches Canczlersch/ Johan Kostka/ vom Schtangenberge/ Sandomyrischen Woywoddens/ vnd Marienbargischen/ Puczytyschen/


Lyschen/vnd Dyrschauſchen Hauptmannes/vnd Un-
 ſerer Lande Preuſſen Schaczmeiſter ſchs / Kuſtas-
 chij Wolowycz/Troczyſchen Caſtellanes/des Gros
 Fuſchten tuhms Lyttawen Vnter Canczlerſch/vnd
 Brehſſchen in Lyttawen / auch Gobrinenſchyiſchen
 Hauptmannes/ Peterſch von Portulycze / Plotczy-
 ſchen Woywodden/Johan von Zborow/ Gnehſnyz-
 ſchen Caſtellanes/ vnd Unſeres Hoffes Krygſuols-
 ckes Oberſchten / vnd Odolanouyeniſchen Haupt-
 mannes/ Mychel Myzka von Varkouyze/Volyni-
 ſchen Caſtellanes/ Andree Fyrley von Dambrouy-
 cza/ Lublynſchen Caſtellanes / vnd Sandomyri-
 ſchen Hauptmannes/Johan Zamoisty/ von Zamoſ-
 cie/Unſeres Reiches VnterCanczlerſch/ vnd Belſia-
 ſchſchen/Knyſchſchyniſchen/Zamechenſchyiſchen Hau-
 ptmannes/ HJEronymi/ Graffen von Kozrazow/
 Plotczyſchen/ vnd Leſlauſchen Prepoſiti/vnd Unſe-
 res Reiches Oberſchten Secretarij/Caſparis Bez-
 ſchkau/ Olywiſchen Abtes/ Johan BOrnkowſky/
 Lanczyſchen Prepoſiti/vnd Warſchauſchen Decani
 vnd KKAlauſchen Tuhmherrens. Laurentii Gos-
 liczky/Plotczyſchen Cantoris/ Kyelcencziſchen Des-
 cani/ KKAlauſchen/ vnd Sandomyriſchen Tuhm-
 herrens/ etc. Gegeben durch die hende des op-
 gemelten Grosmecheigen Johan Zamoisty/
 Unſeres Reiches VnterCanczlerſch.


W As habn sie Mubn geschafft fur nutz?
Oder dem **KONIG** apgetruczt?
Myt Ihrer Schnoden Rebeliohn.
Hohn/vnd Schpott ist yhr Ewig Lohn.
Ja/fur **GOTTS** Schtuhl müssen sie schtehn.
Da wyrt Erscht das Enturtel gehn.
Wegen der Frummen Schahd/vnd Mohrt.
GOTT hott Ihr Seufzen wol gehohrt.
Er schprycht klerlich/Geht Myhr die Rach.
Meyn Schtraff/die soll nicht bleiben nach.
Solchs lyss **ER** Recht sehn am **EL** felt.
Dehn nam **ER** Schrecklich von der Welt.
Sampt Andren Seynen Kottgeselln.
Er wyrt gahr ein Schwehr Vrtel felln.
An Iren Frychten kent man Sie.
Die Sie bewysen habn Alhie.
Kenn **GOTT**/Ihrn **KONIG**/vnd Frum Leut.
Die Sie geplagt ha hn lange Czeyt.






























Biblioteka Jagiellońska



stdr0034836



Medwala